

Հ Ե Ղ Ի Ն Է

Վ. Է Պ

ՄԱՍՆ ԵՐԿՐՈՐԴ

Տ-ին Մ. ՄԱՐԻՍԵԱՆԻ

I

Նյառարինէի մահից յետոյ անցաւ մէկ-երկու ամիս: Սահառու-
նու սիրտը քիչ-քիչ հանգստանում էր և նա ընտելանում էր իւր
նոր դրութեանը: Նա նկատում էր, որ միայնակութեան մէջ նորա
սրտում հետզհետէ նսեմանում, ջնջւում էր հանգուցեալ կնոջ պատ-
կերը, իսկ նորա փոխարէն աւելի ու աւելի որոշ պատկերանում մի
ուրիշ էակ, որին վաղուց նա սիրում էր:

Պէ՛տ, որքան հեռու լինեմ նորանից՝ այնքան լաւ է, իմ սէրս
նորան բախտաւորութիւն չի տալ:

Իսուր թըրթկթիկացրեցին. նա սթափւեց իւր մտախոհու-
թիւնից: Նամակաբերն էր: Նա շտապելով ճղեց ծրարը և սկսեց
կարդալ:

Մայրը գլուխ էր, որ իրան շատ վատ է զգում. առողջութիւնը
օրէցօր վատանում է. կալւածը, որ ինքը կաւաւարել չի կարողա-
նում հիւանդութեան պատճառով, անտէր մնալով փշանում է. Վարի,
աչքիս լոյսը, մի թող հօրդ օջախը քարուքանդ լինի, արի մէկ էլ



քո երեսը տեսնեմ, սրտիս կարօտն առնեմ: քանի ձմեռ, քանի գարունք անց կացաւ, որ քեզ չեմ տեսել, էլ չեմ կարողանում դիմանալ:

Վեհ՝ զձ մայրիկ, ասաց Սահառունին կարդալով նամակը: Այդ առաջին անգամն էր որ նա խղճատանջուում էր մտածելով իւր որդիական պարտականութիւնների մասին: Նա ինքն էլ վաղուց ուզում էր գնալ տեսնել մօրը, ինքն էլ կարօտ էր զգում, բայց իւր սէրը մօր սէրի նման չէր, թէ չէ նա մինչև այժմ գնացած կը լինէր նորան տեսնելու. մօր աչքերը ջուր էր կտրել նորա ճանապարհը պահելով, իսկ նա այսօր-էգուց զցելով այսքան տարի չէր կարողացել մի քանի օրով գնալ մօր մօտ...

Հէնց միւս օրը նա ինչպիսիք տուեց ու պաշտօնից երկու ամսւայ արձակուրդ ստացաւ:

— Երկու-երեք օրից յետոյ պէտք է ճանապարհ ընկնել, վճռեց նա և ուզում էր գնալ Ամիրանովների մօտ, բայց յանկարծ ճանապարհին միտքը փոխեց ու ճանապարհը ծռեց դէպի ուրիշ կողմ: Մի հինգ րոպէ չ'անցած նա սլառահեց Ամիրանովին, որ դուրս եկաւ մի նպարավաճառի խանութից ուտելեղէնի ու խմիչքի ահագին պաշարով: Լաւ է, որ չը գնացի նրանց տունը, երևի այսօր խնջոյք ունի ու մեծամեծների է հրաւիրել, մտածեց Սահառունին ու քայլերն ուղղեց գէպի Եւրոպայ հիւրանոցը, յուսալով որ այնտեղ կը պատահի ընկերներին:

Առաւօտեան ժամի ինն էր: Աշունքայ արեգակը ուրախ խաղում էր Ամիրանովների դեղեցիկ հիւրասենեակում, ծիրանի դոյնով ներկելով բոլոր առարկաները. ցօղադարդ ծառերը փայլվում էին ծիածանի բոլոր գոյներով. հեռում Գովկաս սարերի ձիւնապատ գագաթները՝ շողշողելով արևի ճառագայթներից՝ հրաշալի տեսարան էին ներկայացնում: Հեղինէն նստած պատուհանի մօտ՝ սուրճի բաժակն առաջին՝ զմայլած դիտում էր բնութեան գեղեցկութիւնները:

— Հեղիկ, ի հարկէ չես մոռացել, որ այսօր մեզ մօտ կը ճաշեն իմ մեծաւորը և նորա բարեկամներից մի քանիսը. տես որ ամեն բան տեղին լինի, ասաց Ամիրանովը մտնելով սենեակը ու ինքնագոհ, ուրախ-ուրախ շփելով ձեռները:

—Դիտեմ, մի քանի անգամ արդէն ասել ես ինձ, սառը-սառը պատասխանեց կինը:

—Որքան շնորհք ունես, հոգիս, գործ դիր. պէտք է որքան կարելի է լաւ հիւրասիրել նորան, առաջին անգամն է որ նա ինձ այդպիսի պատուի է արժանացնում:

Այդ րոպէին սենեակը մաաւ իւր սովորական հանդարտ, սննկատելի քայլածքով եփեմիմն:

—Բարեւ, եփեմիա, ինչ լաւ ժամանակ եկար, քեզ հետ բան ունեմ, ուրախ-ուրախ դիմաւորեց նորան Ամիրանովը: Թամարի համար փեսացու եմ գտել. մի քիչ ծեր է, բայց ամեն կողմից ձեռնուու է: Խնորեմ իրան ոչինչ չասես, պէտք է յանկարծ աչքալուսենք տանք ու...

—Ժամանակ չը տալ, որ մոռածի, շարունակեց նորա տեղակ Հեղինէն:

Պէտք է, շարունակեց Ամիրանովը ուշք չը դարձնելով Հեղինէի նկատողութեան վրայ, ձեռաց գործը սկսել ու գլուխ բերել:

Այբրին ընկաւ մոռածմունքների մէջ և լուռ նայում էր մէկ եղբորը՝ մէկ հարսին:

—Ձեմ հասկանում, թէ ինչու չես ուզում Թամարին ժամանակ տալ այդպիսի մի նշանաւոր հարց վճռելու համար. ինչ կարելորութիւն կայ այդպէս շտապելու...

—Ձարմանալի մարդ ես, Հեղինէ, ամենքին քո չափովն ես չափում: Ինչո՞ւ ես մոռանում, որ քոյրս ոչ սիրուն է, ոչ ջահէլ, ոչ էլ հարուստ, որ փեսացուները պիտապատառ վազ տան պսակելու: Հազիւ է մի փեսացու ընկել ճանկներս, ուզում ես որ նա էլ փախչի: Նաու խելօք են ասել՝ «երկաթը տաք-տաք կը ծեծեն»:

—Ինքդ էլ չես հասկանում, թէ ինչ ես ասում...

—Յետոյ, լետոյ կը խօսենք դորա մասին, այժմ վիճելու ժամանակ չի, անհամբերութեամբ կտրեց նորա խօսքը մարդը: Դու պէտք է դեռ ուրախանաս, որ էլ իմ վրայ չեն խօսի, թէ քրոջս չեմ աշխատում մարդու տալ:

Հեղինէին դուրս կանչեց աղախինը:

Եփեմիան եղբոր հետ մենակ մնալով պինդ փակեց դուռն ու սկսեցին քչփչալ:

— Գիտե՞ս, մի շաբաթ կը լինի ինչ քեռին արտասահմանից վերադարձել է։ Զարմանալի բան է, այսօր առաւօտը ինքը մարդ էր ուղարկել որ Թամարը գնալ իւր մօտ։

— Առողջութիւնն ի՞նչպէս է։

— Շատ վատ։ Անկողնիցը չի կարողանում վեր կենալ, Բժիշկներն ասում են, որ շատ չի ապրի։

— Էլի այն կիսակոյր ազգական կինն է նորան պահում։

— Հա։

— Էլի առաջւայ պէս ոչ ոք չի լինում նորա մօտ։

— Ոչ ոք բացի Ելիզաւետա Բոգդանովնայից։

— Այդ գիտեմ։

— Մէկ-երկու անգամ էլ նորա մօտ Պետրոսեանցին եմ տեսել, որին ինչպէս երեւում է նա շատ յարգում է։

— Հը՛մ... իսկ կտակի մասին բան չե՞ս իմացել, կա՞յ թէ չէ։

— Շատ աշխատեցի, բայց չը կարողացայ բան իմանալ։ Թամարը այդ աւելի հեշտ կարող է իմանալ։ Քեռին ասում է, որ Թամարը իւր քրոջն է գցել, իսկ մենք երկուսս ժեր հօրն ենք նման։ Իմ կարծիքով, դժար թէ նա կտակ կազմած լինի. նորանման մարդիկ վախենում են կտակ կազմելուց՝ կարծելով որ այդ կեանքները կը կարճացնի։ Բայց ով է իմանում կարելի է կազմած էլ լինի։ Թէ իմանայ այդ՝ էլի Թամարը կիմանայ։ Իմ կարծիքով սխալ բան կանես որ նորան հիմայ պսակես. այսքան սպասել է, աշխարհքը չի քանդւի որ մի քիչ էլ սպասի. հիմա նա մեզ պէտք է. հասկանո՞ւմ ես։

Եփեմիան լաւ գիտէր, որ Թամարը այժմ նորա խօսքիցը չէր անց կենում ու ինչ որ հրամայում էր՝ կատարում էր, որովհետեւ կախումն ունէր նորանից։ Նա ու եղբայրը կարող էին Թամարին իրանց ձեռքում գործիք շինել իրանց նպատակին հասնելու համար յոյս տալով որ նորան կը վարձատրեն, նորա համար լաւ փեսացու կը գտնեն ու կը պսակեն։ Մարդու գնալուց յետոյ Թամարը էլ չէր ուզենալ նրանց ձեռքում գործիք լինել։

— Ճիշտ ես ասում, ձեռնառու չի Թամարին այժմ պսակելը, մի քիչ մոռածելուց յետոյ ասաց Ամիրանովն ու ուզում էր ինչ-որ աւելաւորել, բայց այդ ժամանակ կողքի սենեակից, լսեց Նեղինէի ոտնաձայնը և նրանք լռեցին։

— Ես պէտք է մի ժամով տանից գուրս գամ, դիմեց նա Հեղինէին երբ որ նա մտաւ սենեակը, աշխատիր լաւ ընդունել հիւրերին, քաղցրութեամբ աւելցրեց նա ու, համբուրելով կնոջ ճակատը, դուրս եկաւ սենեակից: Եփեմիա, մնալ մեղ մօտ, օգնիր Հեղինէին, ձայն աւեց նա սրահից:

— Ես հէնց դորա համար եմ եկել, պատասխանեց Եփեմիան ու գնաց խոհանոց տեսնելու թէ խոհարարը ինչպէս է պատրաստում կերակուրները:

Հեղինէն մարդուն ճանապարհ դրեց հեգնական ժպիտով և ընկաւ մտածմունքների մէջ: Մտածում էր Հեղինէն իւր սե բախտի մասին և երկար կը մնար նա այդպէս ակուր մտածմունքների մէջ, եթէ նորան չը օթափեցնէր մի քանի անգամ կրկնուող ուժգին զանգահարութիւնը:

— Ահ, դու ես, Աննա ջան, այս ինչ է այսքան ժամանակ է սկի չես երևում: Ներողութիւն, Դաւիթ Աբրամիչ, ձեզ չը նկատեցի: Ինչ տեսակ մարդ ես, Աննա, էլի լաց ես եղել, հէրիք է, հոգիս, մինչև երբ պէտք է լաց լինես: Ողորմած հոգի մայրդ այնքան տանջւեց, որ...

— Ախ, Հեղինէ ջան, թող թէկուզ մինչև իմ կեանքիս վերջը այդպէս պարկէր, ես նորան կը պահէի... Այսօր ուղիղ երկու ամիս է նորա մեռնելու օրից և ինչ թւում է...

Արտասուքը խեղդեց Աննային, էլ չը կարողացաւ շարունակել: Հեղինէն գրկեց նորան: Թոմաւը յուզւած նայում էր քնքշութեամբ օրիորդի վերայ: Նորա լիքը ու կարմիր երեսը մի քիչ փոխել էր մօր մահից յետոյ, բայց այդպէս նա աւելի էլ սիրուն էր երևում: Նա ոչ մի ժամանակ այնքան գրաւիչ չէր թւել Թոմաւին ինչպէս այդ սգաւորի անպաճոյճ զգեստում:

— Մենք նոր գերեզմանատանն էինք, ես ու մօրաքոյրս. Դաւիթ Աբրամիչը այնքան բարի եղաւ, որ մեղ ուղեկցեց:

— Հանգստացէք, օրիորդ, աւելի լաւ է ձեր գործի մասին խօսէք, ասաց Թոմաւը մօտենալով նրանց:

— Ասա տեսնենք, Աննա, յաղթեցիր ազգականներով թէ թողեցիր վարժուհի դառնալու մտադրութիւնդ:

— Զէ, օրէցօր աւելի սաստիկ եմ զգում վարժուհու թեամբ պա-

րապելու պահանջը: Այժմեան դրութիւնս, մանաւանդ այն օրից երբ որ եղբայրներին Ռուսաստան ուղարկեցին, հետզհետէ աւելի ու աւելի անտանելի է դառնում ինձ համար: Ես չեմ ուզում բեռը լինել մօրաքոյրներին համար, մանաւանդ որ նրանք իրանք էլ հարուստ չեն:

— Ի հարկ է, ձիշդ ես ասում:

— Դուք հեշտութեամբ կ'ընտելանաք ձեր նոր դրութեանը. դուք սովոր էք աշխատանքի, քաջալերում էր Քոմսեւը.

— Օ'Ֆ, ես աշխատանքից չեմ վախենում, այլ...

— Զանազան ասէկօէներից. ինչ ասեմ այդ մօրաքոյրերին ու քեռիներին: Էհ, Աննա Արտեմիւհնա ինչ էք նրանց խօսքերը բանի տեղ դնում:

— Ինձ էլ երբեմն թւում է թէ պէտք չէ ուշք դարձնել, բայց էլի...

— Դու այն ասա, Աննա, գլուխ դալիս է ուզածդ թէ չէ, կտրեց նորա խօսքը Հեղինէն:

— Հա, Դաւիթ Աբրամիչն ու Պետրոսեանցը ինձ համար վարժուհու տեղ են ծարել. չեմ կարող ասել որքան շնորհակալ եմ նրանից, զիպցւած ասաց օրիորդը քնքշութեամբ նայեց Քոմսեւին:

— Ինձ զուր էք շնորհակալութիւն յայտնում, Աննա Արտեմիւհնա. ինչպէս երևում է ինձ դեռ լաւ չէք ծանաչում: Ես նորա համար էի աշխատում ձեզ համար վարժուհու տեղ գտնել, որովհետեւ այդ ինձ զւարճութիւն էր պատճառում, ուրեմն իսկապէս ես ինքս ինձ և ոչ թէ ձեր համար էի աշխատում, ասաց Քոմսեւը մի քիչ յօնքերը կիտելով:

— Մուացե՛լ ես, Աննա, որ Դաւիթ Աբրամիչը չի սիրում, որ իրան շնորհակալութիւն յայտնեն:

— Ձիշդ որ չեմ սիրում, տիկին Հեղինէ, և կարծում եմ որ հիմք էլ չը կայ շնորհակալութիւն անելու: Յիշո՞ւմ էք, քանի-քանի անգամ մենք վիճել ենք և ես աշխատել եմ ասպացուցանել, որ մարդկանց բոլոր գործերի, վարմունքի միակ դրդիչը եսականութիւնն է:

— Ի՛նչպէս թէ բոլոր գործերի: Միթէ դուք ոչ մի բացառութիւն չէք ընդունում. միթէ ծնողներն էլ ձեր կարծիքով եսականութիւնից դուրս ած են խնամում իրանց զաւակներին:

—Ի հարկէ՛ք եթէ ծնողները զւարճութիւն չը զգային իրանց զաւակներին խնամելուց, նրանք իրանց՝ ինչպէս ասում են՝ ծնողական պարտականութիւններ ի կէսի-կէսն էլ չէին կատարել: Կը նշանակի մարդիկ մի լաւ բան անելիս ամենից առաջ իրանց իրանց են զւարճութիւն պատճառում, հետեւաբար և աւելորդ է շնորհակալութիւն յայտնել նրանց յորա համար: Բայնպէս չէ՞, Աննա Արտեմիեւնայ:

Օրիորդը զգացմունքով ու շնորհակալութեամբ լի աչքերով նայեց Քոմանելին: Նա նկատեց այդ հայկացքը և սաստիկ ուրախացաւ:

—Յանկանք այժմ օրիորդին կատարեալ յաջողութիւն իւր նոր գործի մէջ և մնաք բարեւ ասեմք ձեզ: Մօրաքոյրը մեզ սպասում է կառքում:

—Ախ, ես բոլորովին այդ մոռացել էի:

—Մնայ ինձ մօտ, Աննա ջան:

—Ձեմ կարող, պէտք է պատրաստեմ նոր պարտականութիւններս կատարելու համար, ժպտալով պատասխանեց օրիորդը:

Նրանց գնալուց մէկ-երկու րոպէ չ'անցած ներս մտաւ Սահառունին:

—Ճանապարհին մի հրաշալի զոյգի պատահեցի, տիկին Հեղինէ:

—Գիտեմ, նոր այստեղ էին: Ով կը կարծէր որ այդ անշնորհք ու սառը Քոմանելը կարող է այդ աստիճան գրաւել:

—Գիտէք, ամբողջ ամիս է ինչ Դաւիթը զիշեր-ցերեկ հանգիստ չ'ունէր, գժի նման այս կողմ քնն կողմն էր ընկնում, մինչև որ վերջապէս տեղ գտաւ իւր Աննայի համար:

—Ասում են՝ քննպէս զբաղւած է եղել դրանով, որ ձեռքից բաց է թողել մի գործարանի կառավարչի պաշտօն, որ նա շատ հեշտ կարող էր ստանալ:

—Այսինքն բաց կը թողնէր եթէ Պետրոսեանցն ու ուրիշ ընկերները չաշխատէին նորա համար:

—Ճիշտ են ասել՝ չէ՞, Գէօրգի Ալեքսանդրովի, մարմանդ ջուրը շատ խոր կը լինի:

—Ճիշտ է, մտախոհ կերպով պատասխանեց Սահառունին:

Հեղինէին դուրս կանչեցին. ծառաներն իրար անցան: Նա՛ ինչ որ պէտք էր՝ պատուիրեց, կարգադրեց ու վերադառնալ հիւրասենեակը:

— Եթէ չեմ սխալուում, այսօր հիւրերի էք սպասում, դիմեց նորան Սահառունին:

— Էլ մի ասէք, մեծամեծ հիւրերի:

— Ինձ թւում էր թէ երէ՛կ պէտք է ձեզ մօտ հիւրեր լինէին:

— Ապա թէ ոչ ի հարկէ չէիք գալ մեզ մօտ այսօր: Լաւ է որ սխալեւի՛էք: Զէք կարող երևակայել, թէ որքան ձանձրալի է ինձ համար նորանց հետ նստել — խօսելը...

Նա ուզում էր շարունակել: Բայց վախենալով որ բերնից էլի յանկարծ մի բան կը թռցնի, ցոյց կը ապ իւր միջ կառարաւող ներքին կռիւը, լռեց: Սակայն զուր էր այդ զգուշութիւնը. Սահառունին շատ լաւ էր հասկանում այն գաղտնիքը, որ աշխատում էին պահել նորա սեղմած շրթունքները, ոչ մի լեզու այնպիսի ճարտարախօս կերպով չէր կարող արտայայտել նորա սրտի յուզմունքները ինչպէս նորա մարած, մոահոգ աչքերը:

Հեղինէն աշխատում էր ցրել իրան պաշարող մտքերը, հանգստացնել սրտի ալէկոծութիւնը զբաղւելով հիւրերի ընդունելութեան համար անհրաժեշտ պատրաստութիւններով. մեքենայաբար կարգի էր բերում սենեակը, սարքում էր: Սահառունին ցաւատանջ հայեացքով նայում էր նորան: Նա վերցրեց մի գիրք և սկսեց թերթել. նայում էր տպած էջերին, բայց ուշքը մոածմունքների հետ էր. — չէ՛, երբէք չի գոհացնիլ նորան այն կեանքը, այն մթնոլորտը, ուր քաշում ձգում է նորան մարդը...

Ճաշի ժամանակը մօտենում էր: Սահառունին վերցրեց գլխարկը:

— Ո՛ւր:

— Խաչը, չեմ կարող:

— Միթէ մի չնչին զօհողութիւն չէք կարող անել իմ խաթեր:

— Ինչ զօհողութիւն է այդ որ, ծիծաղեց Սահառունին:

— Ինչ էք աշխատում ինձ խաբել, ես գիտեմ որ մեր այսօրւայ հիւրերի հետ ժամանակ անցնելը ձեզ ահաճութիւն կը պատճառի, բայց այնու ամենայնիւ ես չեմ թողնի որ գնաք, որովհետեւ եթէ զուք այստեղ լինէք այսօրւայ ճաշը ինձ այնքան անուանելի չի թւի:

Հեղինէի ժպիտը այդ ասելիս և այն մտերմական հայեացքը, որով նա նայում էր նորան գլխարկը ձեռիցը առնելիս, բոլորովին

զինթափ արեցին Սահառունուն. նա ոչինչ չը կարողացաւ պատասխանել և մնաց:

Յանկարծ նորա յետևին լսեց իշխան Շակունու ձայնը: Նա Ամիրանովի հետ ներս մտաւ:

—Օհօ', սիրելի Գէօրգի Ալեքսանդրովիչ, գնո՞ւմ էք, Ձէ, ուր էք գնում, կացէք միասին ճաշէնք:

Հեղինէն ուրախ—ուրախ փաթաթեց քեռու վզովը:

—Սկի չէի սպասում, ե՞րբ էք եկել:

—Ասա տեսնենք, սիրունս, ինչպէս է քէֆդ, հալդ, ասաց Շակունին ու գրկեց Հեղինէին: Լոյսին մօտեցիր, մի լաւ նայեմ քեզ, ինչքան ժամանակ է չեմ տեսել, շարունակում էր նա շուռ. է շուռ տալով քրոջ աղջկանը:

Սահառունին նորից սկսեց մնաս բարեւ անել, բայց Շակունին բռնեց կուռը ու զօռով նստացրեց:

Ես քրոջս աղջկայ տան տէրն եմ, այնպէս չի՞, Միխայիլ Պետրովիչ: Ի՞նչ ես սուս կենում, ինչո՞ւ չես ընկօրգ համոզում որ մնայ:

Ամիրանովը թթւած դէմքով կիսաբերան ասաց,—ճաշին մնա մեզ մօտ:

—Ձը գիտե՞ք, Գէօրգի Ալեքսանդրովիչ, որ քեռին սաստիկ վիրաւորանք է համարում իւր համար եթէ իւր խաթըրը կտորում են, չը կատարելով այդպիսի մի շնչին խնդիրք, կամաց ասաց Հեղինէն Սահառունուն:

—Գիտեմ և այդ պատճառով կը մնամ, ժպտաց նա և շարունակեց ընդհատած խօսակցութիւնը Շակունու հետ:

Մինչ այդ՝ հիւրերը քիչ քիչ հաւաքւեցին, վերջապէս եկաւ և նա, որի խաթեր սարքւած էր այդ խնջոյքը: Ամիրանովը դէմքին պատշաճաւոր արտայայտութիւն տւեց և խոնարհաբար խնդրեց նորան նստել ճաշի: Ճաշի ժամանակ գեներալ Կ-ի ուշադրութիւնը ուղղւած էր գլխաւորապէս տանտիրնոջ վերայ, որ նորա կողքին էր նստած: Իսկ նա անդադար երեսը շուռ էր տալիս և ականջ դնում սեղանի միւս ծայրում նստողների խօսակցութեանը:

—Այդ ինչի մասին էք, պարոններ, այդքան տաք—տաք խօսում, որ մինչև անգամ գեղեցիկ սեռն էլ գրավւել է ձեր խօսակցութեամբ:

—Մենք, ձերդ գերազանցութիւն, վիճում ենք, թէ արդեօք լաւ կը լինէր որ Թ-սում համալսարան հիմնէր թէ չէ, պատասխանեց հիւրերից մէկը:

—Հա, ես էլ լսել եմ, որ քաղաքացիք ուղում են յարմար առիթ պատահելիս խնդրել, որ այստեղ համալսարան հիմնեն, բայց սխալում են, դրանից բացի փնասից ոչինչ չի ստանայ քաղաքը, ինքնավստահ կերպով առաց գնեցրալը գինի լցնելով Հեղինէի բաժակը:

—Ինչո՞ւ որ, թոյլ տէք հարցնել, զարմացած հարցրեց Սահառունին:

—Որովհետեւ առանց այն էլ ձեր երիտասարդները տաք — գլուխ են, համալսարանական կեանքը աւելի կը բորբոքի նրանց և նրանք՝ փոխանակ իրանց գործով պարապելու՝ կ'սկսեն զանազան երևակայական գաղափարների ու ցնորքների յետևից ընկնել...

Վէճը դարձաւ ընդհանուր: Սահառունին սկսեց խօսել գնեցրալի դէմ: Իշխան Շակունին իւր բարձրաձայն բացականչութիւններով և Հեղինէն երբեմն — երբեմն մի քանի կցկտուր կիսաձայն արտասանած խօսքերով քաջալերում էին նորան. գոնւեցին և գնեցրալի յայտնած գաղափարի պաշտպաններ: Ամիրանովը իրան շատ վատ էր զգում, կարծես փշի վերայ նստած լինէր...

—Օրհնած է բերանդ, օրհնած, Գէօրգի Ալէքսանգրովի: Հանգուցեալ հայրն էլ շատ ճարտարախօս էր, բացականչեց Շակունին: Խմէք, պարոններ, մեր անմահական կախեթու գինին, աւելցրեց նա ուրախ — ուրախ բաժակ բաժակի խփելով հարևանների հետ: Թող ծաղկի Կովկասը:

Այն երկիրը, որ այդպիսի կենսատու խմիչք է արտագրում, չի կարող չը ծնել և լաւ ու խելօք զաւակներ:

— Ճիշտ է, ճիշտ, հաստատեցին մի քանի քէֆովցած ձայներ:

— Եւ գեղեցկութիւն կանայք, այնպէս չի՞, վրայ բերեց գնեցրալ Կ-ն աչքով անելով Հեղինէին: Պարոններ, կեցցէ գեղեցիկ տանտիկինը:

Վերջապէս խօսակցութեան նիւթը փոխեց, ազատ շունչ քաշեց Ամիրանովը:

Ճաշից յետոյ տղամորդիկ շարունակում էին խմել: Հեղինէն քաշեց իւր սենեակը:

Հիւրերի կատարները հետզհետէ աւելի տաքանում էին, աղմուկը սաստկանում էր: Իշխան նակունին իւր սովորութեան համեմատ սկսեց պատմել զանազան արկածներ իւր պատերազմական կեանքից: Ոմանք ուշադրութեամբ լսում էին, շատերը յսնքերի տակից ծուռ—ծուռ նայում էին պատերի մօտ շարած սեղաններին, մտածելով որ զուր են կորցնում ոսկի ժամանակը: Փամի տասնը մէկին հիւրերը ցրւեցին:

II

— Պէտք է շտապել. գնամ մնաս բարե անեմ նորան, վաղը լուսալէմին պէտք է ձանապարհ ընկնել, ասում էր ինքն իրան Սահառունին: Ամիրանոյիների խնջոյքից երկու օր յետոյ:

Շատ ծանր էր նորա համար անջատել Հեղինէից, բայց այդ նա շատ պատճառներով անհրաժեշտ էր համարում: Մօտ հինգ րոպէ նա մնաց կանգնած Ամիրանոյիների դրան մօտ, կարծես աշխատելով սրտապնդել, յազմունքը զսպել, բայց խռովութիւնը քանի գնում սաստկանում էր, վերջապէս նա վճռական կերպով քաշեց զանգը և քայլերն ուղղեց դէպի այն սենեակը, ուր առհասարակ նստած էր լինում Հեղինէն ճաշից առաջ:

Նա կարգում էր և մատիտով նշաններ էր անում լուսանցքներում:

— Ներեցէք, տիկին Հեղինէ, որ խանգարեցի ձեր ընթերցանութիւնը. դուք այսպիսի ժամերին հիւրեր ընդունել էք սիրում:

— Ձեր այցելութիւնը ինձ ամեն ժամանակ զւարճութիւն է պատճառում, զգացւած ձայնով ասաց Հեղինէն ձեռք տալով նորան: Ինչպէ՛ս տխուր էք այսօր, ինչ է պատահել, Գէօրգի Ալքսանդրովիչ, աւելցրեց նա ջերմ կարեկցական եղանակով, հրաւիրելով որ նստի իւր կողքին:

— Ուշին... մի քիչ քէ՛ֆ չունեմ:

— Ինչու էք դիմում բժշկի, երևում է որ տկար էք:

— Հայրենիքի օդը հազար դեղից լաւ կը բժշկի: Նա վաղը գնում եմ և., եկայ ձեզ մնաք բարե ասելու:

Հեղինէն սպրտեց:

— Մայրս կանչում է, մօտ չորս տարի է որ իրար էնք տեսել:

ես վաղուց էի ուզում մօրս տեսութեան գնալ, բայց չէր յաջողում:
— Ե՞րբ կը վերադառնաք:

— Մէկ—երկու ամսից յետոյ, չեմ կարծում որ աւելի մնամ:

— Այստեղ տխուր կը լինի առանց ձեզ, տխուր ձայնով ասաց Հեղինէն և մեկնեց նորան ձեռքը, որ նա անգիտակցաբար մօտեցրեց իւր շրթունքներին:

Հեղինէն կամաց յետ քաշեց ձեռքը, որ նա պինդ սեղմում էր, և ծիծաղեց:

— Հերիք է, հո յաւիտեան չեմք բաժանուում իրարից, ասաց նա կարմրելով:

— Ես այնպէս սովորել եմ ձեզ, որ ինձ համար զգալի է և կարճատև անջատումը: Զեր մէջ մի տեսակ ոյժ կայ, մի տեսակ բարիք, որ դուք բաշխում էք բոլորին առանց այդ զգալու, ասաց Սահառունին այնպիսի յուզմունքով, որ Հեղինէն սուաջ նորա մէջ չէր նկատել: Յանկանում եմ ձեզ կատարեալ բախտաւորութիւն, մանաւանդ հոգու անդորրութիւն. իմ խորին համոզմունքով ու մի կլին այնքան արժանի չի դորան որքան դուք:

Նորա ձայնը դողաց, երեսը կարմրեց:

— Տեսէք, Գէօրգի Ալէքսանդրովիչ, մէկ-մէկ նամակ գրէք, չը մոռանաք մեզ, սիրով արտասանեց Հեղինէն:

— Ել ում պէտք է յիշեմ որ:

Սահառունին գոջաց, որ չը կարողացաւ իրան զսպել և բերնից թուցրեց այդ խօսքերը:

Հեղինէն սովորականից աւելի քնքոյշ ու քաղցր հայեացքով նստեց նորան:

— Կացէք մեզ մօտ ճաշի:

— Խօսք եմ տուել Ասունուն. ընկերներս նորա մօտ ինձ սպասում են:

— Ճիշտ որ, ես մոռացել էի որ Միխայիլ Պետրովիչն էլ այնտեղ է ճաշելու:

Մի քանի րոպէից յետոյ նրանք տւեցին իրար վերջին ողջոյնը ամենաջերմ և անկեղծ բարեմաղթութիւններով:

Երկար ժամանակ Սահառունին կանգնած մնաց դրան մօտ, — շատ ծանր էր նորա համար հեռանալ սիրած էակի տանից: Բայց

ահա մի ոտնաձայն լսեց: Թամարն էր: Սահառունին մի ակնթարթում դուրս եկաւ փողոցը և առանց յետ նայելու արագ քայլերով դիմեց դէպի Ասունու տունը:

Հեղինէն այն աստիճան շարեւ էր վերջին դէպքից, որ չը նկատեց տալի ներս մտնելը. նա ձեռքը դրեց ուսին, բայց այդ էլ չսթափեցրեց նորան:

— Ինչ է պատահել քեզ, Հեղինէ, քնած ես, ինչ է:

— Ախ, դու ես, Թամար, ներիր, չը նկատեցի քեզ, ցնցեց Հեղինէն: Եփեմեան էլ քեզ հետ է:

— Զէ, չէ... ես միայն այն ժամանակն եմ ազատ շունչ քաշում երբոր նա հետս չի լինում, համարեա շնչելով արտասանեց Թամարը և վսխվիւնով նայեց չորս կողմը:

Հարսը կարեկցաբար նայեց նորա վերայ ու ընկաւ մտածմունքներ ձէլ: Նորա գլխիցը դուրս չէր գալիս Թամարին մարդու տալու մասին եղած խօսակցութիւնը և, չը նայելով որ մարդը խնդրել էր Թամարին բան չասել դորա մասին, նա վճռեց գոնէ ակնարկութեամբ հասկացնել նորան այդ:

— Եհ, մեր օրն էլ օր է էլի, ուրիշներն էլ են ասում թէ ասրում են, ես էլ եմ ասում, խեղճ— խեղճ ասաց Թամարը:

— Սխալվում ես, աւելի վատն էլ կայ:

— Օրինակ:

— Անբախտ և անզգոյշ ամուսնութիւն:

Տալը զարմացած նայեց հարսին, կարծես ուզելիս լինէր ասել՝ ես միակ փրկութիւնը ամուսնութեան մէջն ես տեսնում, իսկ սա ինչերիցն է խաբար տալիս:

Հեղինէն հասկացաւ թէ ինչ է անցնում նորա մտքովը և՝ բռնելով նորա երկու ձեռքը՝ ասաց.— Կարելի է շուտով քեզ մարդու գնալու դէպք պատահի. իսկոյն հաւանութիւն չը տաս առաջ մի լաւ տնտղի սիրող. տես ինչ կասի քեզ նա: Մենակ Միքայէլի ու Եփեմիայի խորհուրդներով չը բաւականանաս, ուրիշներից էլ խորհուրդ հարցրու, մի խօսքով լաւ շափիր կշռիր: Ներիր որ քեզ խորհուրդ եմ տալիս, զուցէ քեզ դուր չի գալիս այդ, բայց դու յետոյ կիմանաս... թէ ինչու... ես հարկաւոր համարեցի...

Թամարը մէկ կարմրում, մէկ դեղնում էր և թէև լուռ էր, բայց

նորա աչքերը պարզ ասում էին. — Թող մի դէպք պատահի քրոջիցս ազատեցիւ, երկար ու բարակ չեմ մտածել, շուտ կը վճռեմ.

Այդ ազատութեան յոյսը պայծառացրեց մի ընկեր Թամարի սովորաբար տխուր դէմքը:

— Ինչպէս ծնշեալ է խեղճը, մտածեց կարեկցելով Հեղինէն նորա գնալուց յետոյ: Այնպէս է ման գալիս, այնպէս է խօսում որ ձայնը չի լսում, ամէն բանից աչքը վախեցած է:

Հեղինէն շատ անգամ խղճահարւում էր մտածելով Թամարի մասին, ուզում էր առաջարկել որ փոխի իւր մօտ, իւր տանը կենաց, բայց մարդը ասում էր որ չի կարելի քոյրերին իրարից բաժանել, իսկ երկուսին էլ տուն բերել և այդպիսով Նփեմիայի հետ ապրել. այդպիսի անձնազոհութիւն Հեղինէն իւր ոյժից վեր էր համարում:

Մինչ Հեղինէն այդպէս մտածմունքների մէջ էր, Սահառունին նոյնպէս մտայոյզ մօտենում էր Ստունու տանը:

— Ահա Գէորգը գալիս է վերջապէս, բացականչեց Թամահւր նայելով պատուհանից, ասա ճաշը տան, Ալէքսադր:

— Լաւ ուշացար, բարեկամ: սոված մեռանք, մի քիչ մնայլ դէմքով ողջունեց նորան Սմիրանովը:

— Զուր էիք ինձ սպասում, պարոններ:

— Նիթէ քեզ չը սպասէինք, ապա էլ ում պէտք է սպասէինք, վրայ բերաւ. Ստունին:

— Ինչ որ քէֆդ տեղը չի երևում, Գէորգ, հօ բան չի պատահել, սրտացաւութեամբ հարցրեց Պետրոսեանցը:

— Հա, Գէորգ, ասում են, որ այս օրերս դու մի քանի բարձրաստիճան անձնաւորութիւնների հետ շատ տաք վիճաբանել ես՝ պաշտպանելով տեղացի բնակիչներին:

— Ինչ կայ որ, անհոգ կերպով հարցրեց Սահառունին և աչքերը դարձրեց դէպի Ամիրանովը:

— Այս էլ հարկերորդ անգամն է որ, քեզ ասում եմ, դու շատ անզգոյշ մինչև անգամ յանդուգն կերպով ես վարւում, տհաճութեամբ նկատեց Ամիրանովը:

— Նոր բան հօ չի, հաստատեց Ստունին:

— Որ չես իմանում, ինչու ես խօսում, Ալէքսանդր, անհամբե-

րութեամբ կորեց նորա խօսքը Սահառունին ու սկսեց պատմել վէճը — Ինչ մի առանձին յանդգնութիւն է այդ որ, բացականչեցին մի քանիսը:

— Ես ազգասէրներինքը չեմ, բայց դուցէ ես էլ նոյնը ասէի, հանդարտ աւելցրեց թօմաւել:

— Իսկ ես որ լինէի, այդպէս չէ, մի լաւ կը ներկէի նրանց, որ էլ չը համարձակէին բերանները ցրել:

Պետրոսեանցը այդ արտասանեց զայրացած ձայնով. նորա աչքերից կրակ էր թափւում: Միւսներից աւելի տաք արիւն լինելով նա աւելի էր վրդովւում:

— Ինչ ասել կուզի, ով չը դիտի որ դու հերոս ես, ծիծաղեց երիտասարդներից մէկը:

— Չէ, լաւաք քցենք զլիններիս, նստենք ու ով որ թքի երեսներիս, ասենք անձրեւ է գալիս, մուսլ դէմքով փնփնթացրեց Պետրոսեանցը: Քանի ծառայութեան ես մտել, սկսել ես շլաքիցդ էլ վախենալ:

— Ես կուզէի իմանալ թէ ինչի համար և ում դէմ էք այդպէս տաքանում, պարոններ, կարճ կորեց Ամիրանովը, որի երեսից այդ վէճի ժամանակ սկի չէր հեռանում արհամարհական — հեգնական ժպիտը:

— Չուր է, զուր պարոններ, ինչ էք գլուխ ցաւացնում, վրայ բերեց Թօմաւել, կորած բան է, ձեր ցնորքները վաղ թէ ուշ կը ցնդեն, նրանց ասածը ճիշտ է և որքան շուտ կատարւի այդ, իմ կարծիքով, այնքան օգտակար է մեզ համար:

— Ճիշտ որ, անհոգ կերպով հատուածեց Ասունին առանց կշռելու իւր խօսքերը:

Պետրոսեանցը իրան ուզում էր կտրատել. բոլորը, բոլորը նորա դէմ էին: Ամիրանովի համար գաղափարները զբօշ չարժէին, հասկանալի էր թէ ինչու էր նա հակառակ Պետրոսեանցի ասածներին: Թօմաւել անկեղծ, ազնիւ մարդ էր. նա համոզւած կօսմօպօլիտ էր, իսկ միւսները, միւսները, նրանք ինչու էին ձայն պահում Թօմաւելին: Նորա յոյսը Սահառունու վրայ էր և ճիշտ Սահառունին ամենքից աւելի կարող էր նորա գաղափարակից համարել, բայց խօսակցութիւնից երևեց որ նա էլ յուսահատւել էր և չէր հաւատում որ ապագան կարդարացնի Պետրոսեանցի խօսքերը...

Դեռ երկար ժամանակ վիճում էին ընկերները և ոչ մէկը միւսին չէր կարողանում համոզել: Վերջապէս կէս գիշերին մօտ նոքա ցրւեցին:

III

Միւս օրը լուսաբացին Սահառունին ծանապարհ ընկաւ դէպի Ե.: Բանի կառքը սլանալով նորան աւելի ու աւելի էր հեռացնում Հեղինէից, այնքան աւելի սաստիկ էր զգում նա նորա կարօտը: Որ օրը որ չէի տեսնում նորան՝ ինձ համար սե օր էր լինում, այժմ ես ինչ պէտք է անեմ առանց նորան. գոնէ իմանայի որ նա բախտաւոր է, այն ժամանակ ոչինչ, ես նորա համար ամեն բանի կը դիմանայի, ամեն բան կը տանէի, բայց կոյր չեմ, տեսնում եմ, որ խեղճը օրէցօր դարդից հալւում մաշւում է, մտածում էր ինքն իրան Սահառունին կուչ եկած կառքի մի անկիւնում:

Յետոյ յիշեց նա Կատարինէին, ցաւեց որ այդ սիրուն, անհոգ երեխայի կեանքը այնքան կարճատև եղաւ, մութի անցրեց նորա հետ միասին անցրած կեանքի բոլոր տարիները և շատ քիչ քաղցր ռուպէներ զարթնեցին նորա յիշողութեան մէջ: Յետոյ նա յիշեց Հեղինէին ու զարձեալ Հեղինէին... ինչ անում էր չէր անում Սահառունին որ գլխիցը հանի Հեղինէին ու մի ուրիշ մութի հետ ընկնի՝ չէր լինում, նորա պատկերը չէր հեռանում նորա աչքի առաջից, կարծես հալածում էր նորան:

Շատ անտանելի եղանակ էր. ցրտից ու խոնաւութիւնից մարմինը սառել էր, ձիւնի վաթիլները ծեծում էին աչք ու երեսը, քամու վզղոցը ծակում էր ականջները, խորդ ու բորդ ծանապարհն էլ լրացնում էր պակասը, բայց քանի մօտենում էր նա իւր ծննդավայրին քիչ քիչ աւելի անզգայ էր դառնում դէպի ցուրտն սւ բուքը և ծանապարհի անյարմարութիւնները, և աւելի զեղեցիկ էին թւում նորան սարերն ու ձորերը, դաշտերն ու գետերը: Վերջացան նորա համար օտտը, անծանօթ տեղերը, սկսեցին նորա ծննդավայրի մօտակայ դաշտերն ու գիւղերը, որոնք ծանապարհի երկու կողմից կարծես ողջունում էին նորա գալուստը: Նրանք օտար չէին, նրանց ամեն քարը, ամեն մի այգին յիշեցնում էին նորան մանկութեան մի դէպք և մանկութեան վառ յիշողութիւնները կայծակի արագու-

Թեամբ սկսեցին անցնել նորա մտքովը՝ լցնելով նորա սիրտը քաղցր զգացմունքով...

Անցաւ մի քիչ էլ և ահա նա տանն է իւր մօր, իւր սիրելի մօր գրկում...

Այս անգամ Սահառունին աւելի հանգիստ, աւելի սառնասիրտ էր վերաբերւում իւր հայրենակիցներին. նրանք էլ մոռացել էին իրանց թշնամութիւնը և աւելի սիրալիր կերպով էին ընդունում նորան: Առաջին անգամ որ վերադարձաւ Ե. նա պաշտօն չունէր և ուժ ու ձախ ամենքին կրիտիկայի էր ենթարկւում, իսկ այժմ նա իրան ծանր է պահում և վերջապէս՝ որ ամենազլխաւորն է՝ նա աստիճանաւոր է ու բաւական յարձրաստիճան, էլ ինչպէս կարող է Ե-ի հասարակութիւնը առաջաց պէս վերաբերել նորան:

— Ես գիտէի յետք, ես միշտ ասում էի, որ ձեր նման խելօք ու կրթւած մարդը շուտով կը գտնի ուղիղ ճանապարհը, ասում էր նորան մէկը պատահելիս:

— Շատ լաւ էք արել, Գէորգի Ալեքսանդրովիչ, որ ծառայութեան էք մտել, բարեկամաբար նկատում էր մի ուրիշը:

— Յայտնի բան է, որ աւելի լաւ է գործով պարապել, քան թէ ջուր ծեծել: Տեսար՝ մարդ դարձար, բարեկամ, ասում էին աւելի մօտ ծանօթները:

— Գէորգ ջան, էլ Աստուծոց ունին չեմ ուզում, քո պէս թագաւոր որդի ունեւմ, արար աշխարհքը քեզ գովում ու յարգում է, փառքը չում էր նորան մայրը:

— Նրանց գովասանքն ինձ համար դրօշ չ'արժի, մտածում էր այդ ժամանակ Սահառունին, բայց մօրը ունին չէր ասում:

Նորա ծիծաղն ու խեղճն էր գալիս այդ մարդկանց վերայ, որ մարդու արժանաւորութիւնը պաշտօնի աստիճանովն էին չափում ու բացի իրանց չնչին անձնական շահերից ոչինչ վերայ չէին մտածում, բայց այնպէս չէր վրդովւում, չէր տաքանում ինչպէս վեց տարի առաջ, երբ որ նորա երիտասարդ ու անփորձ սիրտը դեռ չէր պընդացել կեանքի դառն հարւածներից, երբ որ նա դեռ վառւում էր ոգևորութեամբ ու գործունէութեան փափագով:

Ե. գալուց մի քանի օր յետոյ Սահառունին սկսեց եռանդով պարապել տնտեսութեամբ. անային գործերը կարգի բերեց ու սկսեց

Ծանօթանալ իրանց կալածի հետ, որ քաղաքից 10 վերստ հեռու էր:

Միայն սեպհական կալածը չէր, որ գրաւում էր Սահառունու ուշադրութիւնը. անդադար նա պատում էր շրջակայ գիւղերն ու կալածները, ուսումնասիրում էր կալածատէրերի ու գիւղացիների տնտեսավարութիւնը: Այդ ուսումնասիրութիւնից նա այն եզրակացութեանն եկաւ, որ տնտեսական կողմից ոչ ժողովուրդը ոչ էլ կալածատէրերը առաջ չեն գնում. նոյն նահապետական տնտեսութիւնը, նոյն անդրձհեղեղեան գործիքները, Վիճակագրական տեղեկութիւններ հաւաքելով, նա համոզւեց որ՝ չը նայելով բարեյաջող կլիմայական պայմաններին ու հողի բարեբերութեան՝ հողատէրերի ու հողագործների եկամուտները համեմատաբար չնչին են և որ անհրաժեշտ է փոխել տնտեսութեան եղանակը: Թէև արտասահմանում եղած ժամանակ Սահառունին մասնագետօրէն չէր պարապել գիւղատնտեսութեամբ, այլ ուսումնասիրել էր տեխնիքական գիտութիւնները, բաց չէլի նա շատ հեշտ կարող էր հասկանալ այդ անմխիթար դրութեան պատճառները: Նա տեսնում էր, որ ձգտումն չը կայ փոփոխութիւններ մտցնել տնտեսութեան մէջ, թողնել հինը և ընդունել նորը, կատարելագործւածը. ժողովուրդը տգէտ է ընդհանրապէս և զուրկ է տեխնիկական տեղեկութիւններից. կալածատէրերը ժողովրդից բարձր չեն իրանց ոչ ընդհանուր ոչ էլ տեխնիկական զարգացմամբ և իրանք չեն պարապում իրանց կալածներում գիւղատնտեսութեամբ, որ ինչպէս արտասահմանում իրանց շատ անգամ օրինակելի տնտեսավարութեամբ Ծանօթացնէին ժողովրդին նորաձև տնտեսութեան և կատարելագործւած գործիքների հետ, այլ աւելի լաւ են համարում յանձնել ամեն բան տգէտ ու կեղեքիչ կառավարիչների ու ապրել քաղաքում շուայելով կալածների եկամուտները:

Այբի առաջ ունենալով այդ բոլորը և այն որ ինքը կարող էր այդ ասպարէզում օգուտ բերել իւր համագաւառացիներին առանց նրանց իւր դէմ գրգռելու, Սահառունին վճռեց կարգի բերել իւր կալածը, պարապել գիւղատնտեսութեամբ, գործադրելով այն բոլոր կատարելագործութիւնները, որոնց հասել է գիտութիւնը և պրակտիկան և որոնք մատչելի էին շրջակայ բնակիչներին ու համապատասխանում էին տեղային պայմաններին:

Սահառունուն ամենից շատ զարմացնում էր այն, որ բոլոր երկ-

րագործական աշխատանքները կատարւում էին ամենաանկաւար դործիքներով և որ ժողովուրդը կարծես ամենևին կարևորութիւն չէր զգում ժամանակը և աշխատանքը տնտեսելու: Յափշտակեղ Սահառունու երևակայութեան մէջ արդէն պատկերանում էր ասպագայ բարեկարգ ագարակը, Ֆերման, շոգեշարժ գործիքներով, գիւղական ուսումնարանով, իւր շնորհիւ բարօրութեան մէջ ապրող ու յառաջագիմութեան բարիքներն հասկացող գիւղացիներով...

Այդ միտքը օրէցօր աւելի ու աւելի հաստատուում էր նորա մէջ, բայց նա իսկոյն չէր ուզում իրագործել՝ շուգեւիլ խարխափելով վարել իւր տնտեսութիւնը և իւր սխալներով անվստահութիւն ազդել գիւղացիներին դէպի ձեռնարկութիւնը: Այդ պատճառով նա վճռեց կրկին գնալ արտասահման, լաւ ուսումնասիրել գիւղատնտեսութիւնը և միևնոյն ժամանակ գնել անհրաժեշտ գործիքներն ու նիւթերը:

Արձակուրդի ժամանակամիջոցը վերջանում էր, իսկ Սահառունու կարծես մտքովն էլ չէր անցնում Թ.ա վերադառնալ: Մի անգամ դիւղից յետ դառնալով նա իւր սեղանի վերայ տեսաւ երկու նամակ: Ընկերներին էին: Նրանք շտապեցնում էին նորան, յիշեցնում էին որ արձակուրդի ժամանակը վերջանում է, զգուշացնում էին որ չ'ուշանայ, որովհետև նորա մեծաւորը, որ նորան շատ լաւ աչքով չէր նայում, կարող էր օգտուել այդ հանգամանքից և զրկել նորան պաշտօնից: Սահառունին թափ տալով ձեռքը ու սկսեց քայլել սենեակում: Յանկարծ նորա աչքովն ընկաւ մի նամակ, որ դրած էր սեղանի միւս ծայրում: Սիրտը ճիշդ վկայեց, մէկ գծի վերայ—Հեղինէի ձեռքն էր: Նա սաստիկ ուրախացաւ ու շտապով ճղեց ծրարը: Կարդաց, կրկին ու կրկին կարդաց նա այդ մտերմական ու քնքոյշ զգացմունքներով բուրդ նամակը և պաշարւած քաղցր մտածմունքներով պարկեց քնելու: Բայց քունը չէր մօտենում նորա աչքերին. Հեղինէի պատկերը, կարծես ինքը Հեղինէն կանգնած էր նորա առաջ. զարթնում էին քաղցր յիշողութիւններ...

Միւս օրը Սահառունին ուզում էր ճանապարհ ընկնել. բայց Վլադիկականգից փեսայի մահւան բօթը հաղորդող հեռագիրը սալպեց նորան յետաձգել գնալը: Նա չէր իմանում ինչպէս յայտնի այդ գոյժը իւր մօրը, ինչպէս պատրաստի նորան, որ նորա դարդոտ սիրաբ յանկարծ սաստիկ չը խոցւի այդ լուրից: Երեք շաբաթ էլ մնաց նա

Ե.-ում, հազար ու մի զգուշութիւններով յայտնեց մօրը ցաւալի լուրը, մի կերպ հանգստացրեց նորան, փոստացաւ որ Թ.-սից շուտով կերթայ Վլադիկաւկազ քրոջը կը տեսնի, տիրութիւն կանի, ու ճանապարհ ընկաւ:

Գնալուց առաջ նա բոլորովին կարգի բերեց իրանց գործերը, հաշիւները տեսաւ, խարդախ կառավարչին հեռացրեց, տեղը մի վստահելի մարդ նշանակեց և խոստացաւ մօրը, որ մէկ-երկու տարուց յետոյ վերջնականապէս կը տեղափոխուի գիւղը գիւղատնտեսութեամբ պարապելու: Մայրը ուրախանում էր երբոր որդին պատմում էր նորան թէ ինչպէս կը կատարելագործի տնտեսութիւնը, գործարան կը հիմնի և այլն: Որդու հայեացքներն ու ծրագիրներն նորահամար բոլորովին նոր, անծանօթ բաներ էին և նա այդ բոլորին վերաբերւում էր մի տեսակ երկիւղածութեամբ:

IV

Սահառունու գնալուց մօտ երկու ամիս անցած Թ.-սի հայ ինտիլիգենցիայի համար տուն էր,—բացւել էր արհեստագիտական բաժանմունքով ծխական օրիորդաց դպրոցը: Հոգաբարձուները, որոնցից մեծ մասը յանձն էր առել ձրիաբար դաս տալ դպրոցում, խնդրում էին Հնդինէին որ նա ստանձնի նոր բացւած ուսումնարանի կառավարութիւնը: Նա հրաժարւում էր, պատճառ բերելով իւր ձեռագործ չը գիտենալը և խօստանում էր մօտիկ ապագայում մի քանի առարկաներից ձրի դասեր վերցնել:

—Ի՛նչ համակրութեամբ էինք վերաբերւում դուք գէպի մեզ, երբ մենք աշխատում էինք բանալ այդ դպրոցը և այժմ յանկարծ հրաժարւում եք մեզ օգնելուց, չէ, դուք պէտք է կանգնէք այս գործի գլուխը, Խաք—տաք խօսում էր Պետրոսեանցը, աշխատելով համոզել Հեղինէին:

Պետրոսեանցին ու Սահառունուն էր պատկանում այդ գործի նախաձեռնութիւնը:

Վերջապէս Հեղինէն՝ մարդու կամքի հակառակ՝ համաձայնեց ընդունել դպրոցի տեսչութիւնը, այն պայմանով որ նորա տալը Թ.-մարը, որ հիանալի ձեռագործ գիտէր, իւր օգնականը լինէր:

— Որքան կուրախանար Գէորգի Ալէքսանդրովիւն, եթէ այստեղ լինէր, մտածեց Հեղինէն:

Նա այնպէս սովորել էր մոտենալից անել Սահառունուն իւր մըտածած—զգացածին, որ նորա բացակայութեան ժամանակ էլ մի գործ բռնելիս կարծես պտուռւմ էր նորա քաջալերիչ հայեացքը:

Սահառունու պատկերը օրէցօր աւելի ու աւելի յաճախ էր զարթնում նորա սրտում, բայց Հեղինէի զգացմունքը գէպի Սահառունին տարբեր էր նորա դէպի Հեղինէն ունեցած զգացմունքից. — այդ զգացմունքը Հեղինէի սիրտը աւելի հանգստացնում էր, քան բորբոքում:

Սահառունու գնալուց յետոյ երրորդ ամիսն էր: Մի օր Հեղինէն պատրաստուում էր գնալ Թամարի մօտ, որ նորա հետ միասին գնալին ուսումնարան: Այդ օրը դժուար էր ասել թէ ինչու նա աւելի յաճախ էր յիշում Սահառունուն և աւելի սաստիկ զգում նորա բացակայութիւնը: Նա արդէն ուզում էր գլխարկը դնել, որ յանկարծ համարեա վսգէվազ ներս մտաւ Ասունին:

Հեղինէն սաստիկ անհանգստացաւ. ինչո՞ւ պէտք է Ասունին այդպէս վաղ դար նրանց մօտ, ինչո՞ւ էր նա այդպէս վրդովւած:

— Ինչ է պատահել, Ալէքսանդր Վասիլիչ:

— Սահառունուն կարող են պաշտօնից զրկել. նորա բացակայութեան ժամանակ թշնամիները տակը փորել են և զրգռել են նորա դէմ իշխանաւորներին. ուզում են հեռացնել պաշտօնից:

Ինչո՞ւ, ի՞նչ պատճառ են բերում, ասէք խնդրեմ, կարո՞ղ ենք մենք օգնել, ի՞նչ կարող ենք անել, պէտք է աշխատել:

— Աւելորդ է ձեզ բոլոր մանրամասնութիւնները պատմել, դուք ինքներդ լաւ գիտէք, որ մեր մէջ Սահառունու պէս մարդկանց համար դժուար է ամէնքի հետ եօլա գնալ: Խնդրէք, համոզեցէք Միխայիլ Պետրովիչին, որ նա կոմսին խնդրի, նա կոմսի վրայ մի քիչ ազդեցութիւն ունի:

Ասունին մի քիչ հանգստացած գնաց Ամիրանովների տանից:

Հեղինէն յետաձգեց ուսումնարան դնալը և անհամբեր սրտով սպասում էր մարդու ծառայութիւնից տուն գալուն: Զայրացած անիծում էր նա այն մարդկանց, որոնք նորա կարծիքով Սահառունու ճկութիւն չարժեն և համարձակուում են պարսաւել, զրպարօել նորան:

Ահա վերջապէս զանգը խփեցին: Հեղինէն ինքը գնաց դուռը բանալու, բայց այդ եփեմիան էր: Մի քանի բոպէից յետոյ կրկին զանգը քաշեցին, այս անգամ աւելի պինդ, — Հեղինէն չը սխալւեց, մարգն էր:

— Շուտ արագ, Հեղինէ, ճաշ տուր ուտեմ, սաստիկ սոված եմ:

— Լսել ես, Միշէլ, որ Գէորգի Ալեք...

— Լսել եմ, լսել, անհամբերութեամբ կտրեց նորա խօսքը Ամիրանովը: Ասա կերակուրը տան:

— Միշէլ, մենք պէտք է օգնենք նորան...

— Հլա մի թողէք հանգստանայ, բերանը մի կտոր բան դնի, տեսնում էք խեղճը ինչպէս յոգնած ու սոված է, շողոքորթութեամբ մէջ ընկաւ եփեմիան:

Հեղինէն գիտէր, որ մարդը սոված ժամանակ վատ տրամադրութեան մէջ է լինում և վճռեց ճաշից յետոյ խօսել հետը Սահառունու մասին, բայց ճաշի վերջին Ամիրանովը ինքը սկսեց խօսել:

— Դու զարմանում ես, Հեղինէ, որ Սահառունուն զրկում են պաշտօնից, իսկ ես տեսնելով նորա անխելք վարմունքը վաղուց էի սպասում որ այդ այդպէս կը լինի:

Այդ ասելով Ամիրանովը կոնծեց մի բաժակ գինի և սկսեց այնպէս ինքնագոհ դէմքով շփել ձեռները կարծես մի երևելի բարի դործ էր կատարում:

Կինը շարած նայում էր նորա վերայ:

— Զարմանում եմ, Միշէլ, դու քո մօտ ընկօր մասին այնպէս ես խօսում՝ կարծես թշնամիդ լինի:

— Իմ կարծիքով, Միքայէլը իրաւունք ունի նորան թշնամաբար վերաբերւելու:

— Զէ, եփեմիա, սխալուում ես, ես նորան իբրեւ բարեկամ սիրում եմ:

— Դուք, ինչպէս երևում է, չէք հասկանում թէ մենք ինչի մասին ենք խօսում, բարկացած նկատեց եփեմիային հարսը: Թողէք ես ու Միքայէլը խօսենք:

— Որ այդպէս է՝ ուր եմ մնում այստեղ, դնամ տուն, նեղացաւ եփեմիան:

—Բան չը կայ, մնայ, մենք գաղտնիք չունինք, ասաց Ամիրանովը ու չը թողեց որ գնալ:

Հեղինէն թախանձազին հայեացքով նայեց մարդուն և, համոզելով որ երկուսով գնան առանձնասենեակը մի քանի րոպէ խօսելու, սկսեց աղաչել որ աշխատի հերքել Սահառունու թշնամիների նորա վրայ բարդած զրպարտութիւնները:

—Ջարմանալի բան է, Հեղինէ, ով է քեզ ասել, որ իմ ձեռքս բան կը գալ, ես ինչ կարող եմ օգնել:

—Բոլորն էլ ասում են, որ դու լաւ ես կոմսի հետ:

—Միամիտ ես, շատ միամիտ, Հեղինէ: Այդպիսի մարդիկ մարդու հետ լաւ են լինում քանի որ մարդ նրանցից կախումն կամ կարօտութիւն չունի, բան չի խնդրում: Կոմսը այնպէս զրգուած է Սահառունու դէմ, որ հէնց ես մի ծպտուն եմ հանել նորա խաթեր, ես էլ աչքիցը կ'ընկնեմ:

—Ե, սառտիկ սխալում էի ես որ քեզ բարեկամութիւն ճանաչող մարդ էի համարում: Ես կարծում էի, որ դու քեզ ու քեզ առանց ուրիշի՝ խնդրելու կը զգաս որ պէտք է օգնել ընկորդ, իսկ այժմ ինչեք եմ լսում քեզնից, զայրացած ասաց Հեղինէն ու ուզում էր դուրս գալ սենեակից, բայց Ամիրանովը ինչ-որ յիշելով կանգնացրեց նորան ու բաղցրութեամբ ասաց.

—Լաւ, մի բարկացիր, կ'աշխատեմ ինչ որ ձեռքիցս գալ անել, բայց հաւատացիր, հոգիս, որ նա երբէք չի ուղղւի:

Կինը շարած նայում էր մարդուն:

—Հա, լաւ յիշեցի, Հեղինէ, մոռացայ քեզ ասեմ, որ կոմսուհին քեզ հրաւիրում է վաղը ճաշի:

—Ինչպէս կարող եմ այս դրութեամբս հիւր գնալ:

—Ուրիշ, մեծ հասարակութիւն չի լինի, ընտանեկան ճաշ կը լինի, կոմսը շատ խնդրում էր որ անպատճառ գնաս, աղաչում էր Ամիրանովը կոմսը. իսկ այնտեղ, Հեղինէ, թէ ինչ սիրում ես, շողորթութեամբ շարունակեց նա, որքան կարող ես բաղցր վարւիր կոմսի հետ. ես էլ կաշխատեմ յարմար րոպէ գտնել, ու խնդրել Սահառունու համար:

Հեղինէն բռնեց մարդու ձեռքը և, ուղիղ աչքի մէջը նայելով, ասաց:

— Ազնիւ խօսք տուր, որ խոստումդ կը կատարես:

— Կ'աշխատեմ ինչ էլ լինի ինչդիրքդ կատարել, իսկ դու, սիրունս, աշխատիր լաւ հագնւել: Տես, շատ մի տաքացիր Սահառունու համար, թէ չէ ես էլ նախանձել գիտեմ, կատակով ասաց նա համբուրելով կնոջը:

— Դու գիտես, Միքայէլ, որ ես Գէօրգի Ալեքսանդրովի վրայ նայում եմ իբրեւ եղբոր վրայ և նորա կնոջը քրոջ նման սիրում էի:

— Լաւ, լաւ, կատակ էի անում, ծիծաղեց Ամիրանովը, իսկ այժմ քեզ առանց կատակի ասում եմ, որ լաւ ուշադրութիւն դարձես հագուստիդ վերայ, կինը պէտք է միշտ հոգս տանի իւր շէնք ու շնորհքի վերայ: Վաղւայ համար պատրաստիր կապոյտ մետաքսէ շորդ, անցեալ անգամ ամենքն ասում էին որ քեզ սագում է նա:

Հեղինէն ծիծաղեց ու խոստացաւ կատարել նորա ցանկութիւնը:

— Ուրիշ բան չունի. հէնց այն է, որ ինձ տիկնի նման դարդարի, անցաւ նորա մոքովը,

Միւս օրը Հեղինէն նստած կարդում էր. Ամիրանովը ներս մտաւ ու սկսեց շտապեցնել, որ շուտ անի պատրաստի հիւր գնալու:

— Ժամանակ շատ կայ, Միքայէլ, ինչ ես շտապում, մինչև ճաշ ժամ ու կէս է մնում դեռ:

— Ձե՞ պէտք է հագնւես, գրտուես:

— Դու էլ ինչ ես այսօր ընկել իմ հագնւելու հետ, սկի չես մոռանում:

Ամիրանովը, երբ որ տեսնէր կնոջը գիրք կարգալիս, կասէր հեգնօրէն, որ կանայք՝ քանի որ աննպատակ են ապրում՝ «գիրք են խաղում», ինչպէս որ երեխայ ժամանակները տիկին էին խաղում, բայց հէնց որ մայր դարձան գրքերը դէն կը քցեն:

Ժամի չորսին Ամիրանովը ու կինը գնացին ճաշի: Մեծամեծների ճաշը նորանով է նշանաւոր, որ ժամերով մնում են նստած սեղանի շուրջը, պահպանում են զանազան ձանձրալի ձեւականութիւններ ու զբաղւում են դատարկ խօսակցութեամբ:

Հեղինէն՝ հետեւելով մարդու խորհրդին՝ ոչ միայն առաջւայ պէս արհամարհաբար չէր վերաբերւում կոմսի կաւալերութեանը, այլ և աշխատում էր զօռել իրան և՛ որքան կարող էր՝ քաղցր

վարել նորա հետ: Ճաշից յետոյ տեսնելով որ կոմսը լաւ տրամադրուածեան մէջ է, նա մօտեցաւ մարդուն ու փսփսաց ականջին: Ամիրանովը գլխով հաւանութեան նշան արեց ու մի քանի րոպէից յետոյ կոմսի յետեւից գնաց աւանձնասենեակը: Իսկ Հեղինէն գնաց հիւրասենեակը, ուր տիկինները սուրճ էին խմում: Նա իրան լաւ չէր զգում. քէֆը վատ էր: Կոմսուհին այդ նկատեց ու տարաւ նորան իւր ննջարանի լողջի սենեակը, որ այնտեղ մի քիչ հանգըստանայ:

Հեղինէն թեք ընկաւ փափուկ բազմոցի վերայ: Բազմոցը դրած էր առանձնասենեակի դրան մօտ, այնպէս որ նա ականջ լսում էր կոմսի ու իւր մարդու խօսակցութիւնը: Լսում էր և ականջին չէր հաւատում: Ամիրանովը փոխանակ Սահառունու համար խնդրելու իւր համար էր ինչ-որ խնդրում... Լա՛ւ, կոմսը ընդունեց խնդիրքը... ահա Սահառունու անունն են տալիս... Հեղինէի սիրտը սկսեց բաբախել... Բայց զարմանալի բան է Ամիրանովը փոխանակ խնդրելու, փոխանակ պաշտպանելու իւր ընկերոջը, վատաբանում է նորան, զրպարտում է, անւանում է նորան խառնակիչ, ասում է որ նա իւր գործը չի հասկանում, ռուսերէն էլ չը գետի...:

Հեղինէի սիրտը տակն ու վերայ եղաւ:

—Ստոր, վախկոտ արարած, խաբեբայ, ասաց ինքն իրան Հեղինէն: Մեծաւորների աչքը մոնելու համար ամեն բան կանի, բաւական չի որ, վախենալով թէ յանկարծ կոմսը իւր մասին կարծիքը մի քիչ կը փոխի, չի կատարում իւր պարտականութիւնը դէպի իւր բարեկամը, դեռ զրպարտում էլ է նորան... Մարդ որ մի անգամ խղճմոռանքը կորցրեց, էլ դժւար թէ ուղղւի, իսկ որ նա խիղճ ասած բանից ղուրկ է, այժմ ինձ համար օրը—ցերեկի նման պարզ է... Ձէ, զուր եմ աշխատում, ես այդպիսի մարդու սիրել չեմ կարող. որքան ստոր է նա նորանից...

Հեղինէի աչքերը կատաղութիւն ու զայրոյթ էին արտայայտում. յետոյ կարծես ինչ-որ մի յիշողութիւն փոխեց նրանց արտայայտութիւնը. Հեղինէի հայեացքը կանգ առաւ մի կէտի վերայ, նա սկսեց աննպատակ նայել այդ կէտին, կարծես մոռացաւ ամեն բան, որ իրան շրջապատում էր և մտքով վերացաւ, սլացաւ ուրիշ տեղ հեռու, շատ հեռու...

Քառորդ ժամից յետոյ Հեղինէն սաստիկ վրդովւած ու տխուր գնաց տուն:

Միւս առաւօտը նա սաստիկ թոյլ էր զգում իրան. ներքին կռիւը ուժասպառ էր արել նորան:

Արեգակը ուրախ լուսաւորում էր նորա սենեակը. հրաշալի եղանակ էր, նա չը կարողացաւ իրան զսպել ու վեր կացաւ անկողնիցը որ պատուհանից նայի իւր սիրելի ձիւնապառ սարերին, բայց չէր կարողանում ոտքի վերայ կանգնել, մի քանի քայլ արեց, ընկաւ բազմոցի վերայ ու սկսեց լալ դառն արտասունքներով:

—Միթէ ելք չը կայ. միթէ յաւիտեան ես կապւած պէտք է ֆեմալ այնպիսի մարդու հետ, որին ես չեմ կարող սիրել: շնջաց նա ու խորը մոաժմունքներ պաշարեցին նորա հոգին:

Հեղինէն ընդ միշտ բաժանւում էր իւր փայփայած խաբուսիկ ցնորքներից. նա մեղադրում էր իրան, որ այդքան ուշ էր հասկացել, որ զուր էին իւր բոլոր յոյսերը, զուր էր պտուռւմ իւր մարդու մէջ այն ինչ որ պէտք էր իւր սրտին, ինչին ծարաւում էր իւր հոգին:

Երկար ժամանակ այգպէս նստած էր Հեղինէն հերարձակ, զըլուխը յենած բազմոցի մէջքին: Յանկարծ նա սթափւեց մի թեթեւ շօշափումից:

—Ինչպէս ես զգում քեզ. Հեղինէ: Ես աշխատում էի որքան կարելի է զգոյշ հեռանալ այստեղից, որ չը խանգարեմ հանգիստը:

—Ինչպէս, միթէ դու այստեղ էիր քնել, այնպիսի ձայնով հարցրեց կինը կարծես օձի խայթելուց վախեցաւ, և զգւանքով երեսը շուռ տւեց մարդուց:

—Ինչու այդպէս վտխեցար. հօ առաջին անգամը չի որ մենք միասին ենք լինում...

—Հա, հա... ես մոռացել էի... հեռացէք, ինձ մենակ թողէք, խնդրում եմ...

—Ի՞նչ է պատահել քեզ երէկ, Հեղինէ: Սառտիկ վախեցայ, երբ որ Կոմսուհին ինձ ասաց որ հիւանդացել էիր. ուզում էի իսկոյն տուն գալ, բայց...

—Երանի սկի վերադարձած չը լինէիր, այլւաժ, կսկծող սրտով ընդհատեց նորա խօսքը Հեղինէն: Ախ, ինչու մենք իրար հանդիպեցինք:

—Հեղինէ, ինչ է պատահել քեզ, շատ քիչ բացականչեց Ամիրանովը: Լա՛ւ վարձատրութիւն է. ես ամեն հնարք գործ դրեցի Սահառունուն օգնելու համար, չը վախեցայ մինչև անգամ նորանից որ իմ անունն կարող է կոտորել...

—Լռի՛ր. ինչպէս ես կարողանում առանց կարմրելու սուտ ասել: Զըլինի ինձ հաւատացնես, որ ինքդ Կոմսին աւելի չէիր գըրգռում նորա գէմ:

Մարդը մի րոպէ շփոթւեց և ապշած նայում էր կնոջ վրդովւած, զայրացած դէմքին: Նորա սրտում կասկած զարթնեց, թէ մի գուցէ կինը լսել է իրանց խօսակցութիւնը, բայց խկոյն այդ կասկածը դէն քցեց և հաստատ կերպով պատասխանեց.

—Երգում եմ քեզ, քո արևը վկայ, իմ սէրս վկայ, մեր ապագայ զաւակի արևը վկայ, որ ծիշտ եմ ասում:

—Խա՛չը դժւար է չը հաւատալ, դառը ծիծաղեց Հեղինէն, եթէ ես իմ ականջովս լսած չը լինէի ձեր խօսակցութիւնը, ով է իմանում ես էլ հաւատալի ու նորից խաբւէի: Այժմ տեսնում եմ, որ քո ամբողջ կեանքը խաբեբայութիւն է եղել: Ով որ այդպէս հիանալի կերպով կարողանում է կեղծել, նա շատ ստոր մարդ պէտք է լինի, ասում էր Հիդինէն հետզհետէ բարձրացնելով ձայնը և զգանքով նայելով սարդուն:

Ախ, դառնութեամբ աւելցրեց նա, ինչ ասես չէի տալ, որ իմ ապագայ զաւակս կրթւէր հեռու այն կեղտոտ սովորութիւններից, որոնք արմատացել են ձեր մէջ:

Մի քանի րոպէ տիրեց խորին լռութիւն: Հեղինէի հայեացքը խիստ էր և արհամարհական, նորա սեղմած շրթունքների վերայ երևում էր դառն հեգնական ժպիտ, իսկ սիրտը սառն էր, սաստիկ սառը, կարծես նորա բոլոր ջերմ, քնքոյշ, գորովալից զգացմունքները յանկարծ մեռնելով տեղի էին աւել արհամարհանքի, դառն թախծի ու հեղնութիւն: Ոչ մի ժամանակ նորա մէջ այնքան սաստիկ չէր արտայայտւել մոքի համարձակութիւն, հոգու ազատութիւն և նորութեան ծարաւ՝ ինչպէս այդ րոպէին, ոչ մի ժամանակ նա այդքան լուրջ կերպով չէր վերաբերւել կեանքի ստոր ու կեղտոտ կողմերին, կարծես նորա աչքերը յանկարծ հրաշքով բացւեցին և նա տեսաւ իւր առաջ անյատակ անդունդ...

Ամիրանովը տեսաւ, որ անկասկած կ'ինը լսել է իւր ու կոմսի խօսակցութիւնը: Սուտը բռնել էր և նա մնացել էր շփոթւած, ամթաճար: Յանկարծակի բռնելով, նա երկար ժամանակ չէր կարողանում մի հնարք գտնել կնոջ առաջ արդարանալու համար:

Հեղինէ, դուր ես ինձ վերայ յարձակում, մի քիչ անվճռական կերպով սկսեց խօսել Ամիրանովը: Դու, ինչպէս երևում է, չես ձանաչում կոմսին: Այդպիսի մարդկանց հետ բանը ուղիղ տանել չի կարելի: Մարդ պէտք է առաջ սկսի նրանց խաթրովը գնալ, նրանց ասածին ձայն պահել, ցոյց տալ թէ համաձայն է, նոյն կարծիքին է, յետոյ քիչ քիչ սկսի իւր գործը առաջ տանել, կակղացնել, համոզել: Ափսո՛ս, շատ ափսո՛ս, որ դու մինչև վերջը չես լսել մեր խօսակցութիւնը. այն ժամտնակ այսպէս չէիր խօսիր:

— Հերիք է, հէրիք, Աստծու սիրուն, հեռացէք այստեղից: Մեր մէջ այսուհետև ամեն բան վերջացած է:

— Խաչը, Հեղինէ, այնպէս ես խօսում, կարծես սիրեկանիդ անպատուած լինեմ, յանկարծ թուցրեց բերնիցը Ամիրանովը, բայց իսկոյն զղջաց որ այդպիսի անտեղի նկատողութիւն արեց:

— Կարող ես կարծել. քո պէս անսիրտ, եսական մարդիկ ի՞նչ կարող են հասկանալ, որ կ'ինը կարող է մաքուր, բարեկամական զգացմունքով վերաբերել մի որ և է տղամարդու: Դու դուր ես քեզ միամիտ ձեացնում, դու լաւ հասկանում ես, որ իմ զարոյթիս պատճառն այն չի որ Ասհառունին զրպարտութեան առարկայ է եղել, նա փառք Աստծու ինքն էլ կարող է իրան պաշտպանել, այլ քո վերին աստիճանի զգեցիլ վարմունքը: Ես երբէք չեմ կարող մոռանալ և ներել այդ ստորութիւնը: Իմացած կաց, որ ես կարող եմ յարգել և սիրել միայն այնպիսի մարդու, որ իւր բարոյական պարտականութիւնները բարձր է դասում իւր անձնական շահերից:

Ասաց Հեղինէն ու զայրոյթով լի հայեացք քցելով մարդու վերայ դուրս եկաւ պատշգամբը ներքին կրակը հովին տալու:

Ամիրանովը ինքն իրան մխիթարում էր, մոռածելով որ կնոջ զայրոյթը շուտով կը նստի, հէրիք է որ ինքը սկսի աւելի քաղցր վարել հետը, աւելի սէր ցոյց տալ և աշխատի խաբել նորան, ինչպէս միշտ յաջողել էր նորան, բայց այս անգամ՝ նորա ցոյսը զուր եղաւ:

Նորան մոքողն էլ չէր անցկենում, որ Հեղինէի զայրոյթը բուսկան բռնկումն չի, այլ լուրջ զգացմունք, սկիզբն ներքին հոգեկան յեղափոխութեան: Հեղինէի սրտում առաջ գոնէ յոյս էր մնում, որ ամեն բան ապագայում կը փոխուի, նրանց յարաբերութիւնները կը ստանան այն ձևը, որ նորան ցանկալի էր: Այժմ այդ յոյսը, առաջնայ զգացմունքների միակ յենարանը, ոչնչացաւ:

Հեղինէն ոչ մի ժամանակ այնպէս սաստիկ չէր զգացել որ ինքը մենակ է որքան այդ ժամանակ: Նա սաստիկ տխուր էր և օրէցօր նկատելի կերպով հալում, մաշում էր, զայց միևնոյն ժամանակ այժմ նորա շարժմունքներում ու դէմքի արտայայտութեան մէջ աւելի վճռականութիւն ու լրջութիւն էր երևում:

— Ես չեմ կարող էլ մարդուս հետ ապրել, ես ատում եմ նորան, պէտք է աշխատել մի ելք գտնել, օրը մի քանի անգամ կրկնում էր ինքն իրան Հեղինէն, բայց չէր իմանում ինչպէս անի որ ազատի իւր այժմեան անտանելի դրութիւնից: Սաստիկ յուզմունքը, յղիութիւնը, օր է օր սպասող զաւակի մօտալուրժնունդը թոյլ չէին տալիս նորան սառը մտածել այդ հարցի մասին ու վճռել:

(Կը շարունակւի)